

周

禮

疏

九

周禮疏卷第九

唐朝前六行太學博士文館學士士臣賈公彥等撰



地官司徒第二

鄭目錄云象地所立之官司徒主衆徒地者載養萬物天子立司徒掌邦

教亦所以安擾萬民 釋曰既言象地所立則此六十官皆法地與天官言象天義異矣

惟王建國辨方正位體國經野設官分職

以為民極

釋曰六官皆有此叙者欲見六官所主雖異以為民極是同故也

乃立地

官司徒使帥其屬而掌邦教以佐王安擾

邦國

釋曰此經所云為立官之意六官亦同有此語唯地官司徒與安擾之字不同欲見所主雖曰有殊

佐王之事

注

教所以親百姓訓五品有虞氏五而周十有二焉擾亦安也言饒衍之

釋曰云教所以

親百姓者案尚書舜典云帝曰契百姓不親五品不遜作司徒勅敷五教在寬彼舜欲使契布五教親百姓遜五品是鄭君所取義也但五教據所施而言五品據人品列有五所從言之異其義一也云有虞氏五而周十有二焉者有虞氏五即舜典所云勅敷五教又文十八年云舜臣堯舉八元使敷五教于四方父義母慈兄友弟恭子孝是也而周十有二者據司徒之職云一曰以祀禮教勅以下是也案成王周官云司徒敷五典擾兆民則周亦有五教而云至周十有二者鄭據此周禮之文言十二以對於虞其實五中雖不含十二亦含有五云擾亦安也言饒衍之者以言饒益衍長亦是安義以其民為邦本不安則散特須安而復安故云擾亦安也案天官教典鄭注擾為馴者以其司徒立教教使馴順馴亦是安之義也

教官之屬大司徒卿一

人小司徒中大夫二人鄉師下大夫四人

上士八人中士十有六人旅下士三十有

二人府六人史十有二人胥十有二人徒

百有二十人釋曰上經說立官之意此經說立官尊卑相副貳云教官之屬者自此以下至豪人

摠六十官皆是教官之屬若然教官摠目於下也云大司徒卿一人六命小司徒中大夫二人四命鄉師下大夫四

人與小司徒同四命分為中下上士八人三命中士十有六人再命旅下士三十有二人一命自此已上皆得王命

謂之王臣以卑佐尊尊少卑多各與上一倍云府六人主藏文書史十有二人主作文書胥十有二人為什長徒百

有二十人給徭役此四者皆不注師長也司徒掌六鄉鄉得王命官長所自辟除者也

周禮九

三鄉之事相左右也 釋曰此鄉師司徒之老謂之鄉師者謂佐司徒主六鄉亦與在下民臣為長故云師長也云

司徒掌六鄉者案下云鄉老二鄉則公一人已下是主六鄉之事云鄉師分而治之者以其鄉師佐司徒主六鄉故

言分而治之以鄉有六其人有四故二人共三鄉云相左右者左右助也以其二人共主三鄉不得各專其鄉事故

相助而已

鄉老二鄉則公一人鄉大夫每鄉卿一人

州長每州中大夫一人黨正每黨下大夫

一人族師每族上士一人閭胥每閭中士

一人比長五家下士一人釋曰鄉老者謂三公案下曲禮三公於諸侯曰

天子之老此鄭注云老尊稱未必是年老二鄉則公一人
者在朝三公八命即典命云三公八命是也分陝而治則
九命則大宗伯云九命作伯是也鄉大夫每鄉卿一人者
六鄉則卿六人各主一鄉之事然摠屬司徒非六官典兼
鄉大夫知者以鄭注大司馬云軍吏選於六官六鄉之吏
為之既六官六鄉並言故知別置州長每州中大夫一人
者每鄉有五州州長以中大夫為之亦四命黨正每黨下
大夫一人者五黨為州黨正使下大夫為之亦四命族師
每族上士一人者五族為黨族師使上士一人為之亦三
命閭胥每閭中士一人者四閭為族巷門為閭胥有才智
之稱閭胥使中士一人為之亦再命比長五家下士一人
者五比為閭比長使下士一人為之亦一命特言五家者
明閭胥已上至鄉皆有家數故其職云五家為比五比為
閭四閭為族五族為黨五黨為州五州為鄉從少至多故
於比言五注老尊稱也王置六鄉則公有三人也三公者
家為本也注內與王論道中參六官之事外與六鄉之教

周禮九

其要為民是以屬之鄉焉州黨族閭比鄉之屬別 正師
胥皆長也正之言政也師之言帥也胥有才智之稱載師
職曰以官田牛田賞田牧田任遠郊之地司勳職曰掌六
鄉之賞地六鄉地在遠郊之內則居四同鄭司農云百里
內為六鄉外為六遂 釋曰言老尊稱也者以其天子所
父事三老者同名故云老尊稱也云王置六鄉則公有三
人也者於周禮不見公之人數六鄉之數周禮有其文此
經云二鄉則公一人明知公有三人案成王周官立大師
大傅大保茲惟三公亦是公有三人之事云三公者內與
王論道者成王周官云茲惟三公論道經邦考工記云坐
而論道謂之王公鄭雖言天子諸侯公中亦含三公是其
內與王論道也云中參六官之事者案書傳云天子三公
一曰司徒公二曰司馬公三曰司空公彼注云周禮天子
六卿與大宰司徒同職者則謂之司徒公與宗伯司馬同
職者則謂之司馬公與司寇司空同職者則謂之司空公
一公兼二卿舉下以為稱是其中參六官之事云外與六

鄉之教即此經是也云其要為民所以屬之鄉焉者三公無正職是以三百六十官之中不見三公之任唯此六鄉之內而言三公故云屬之鄉焉不言三公者以其佐公論道三公有事之所亦有三孤故不言之云州黨族閭比鄉之屬別者五者皆屬於鄉而名號有別也云正師胥皆長也者自州已下至比長五官州比自稱長矣唯有黨正族師閭胥不言長故鄭云正師胥皆長也云正之言政也者取施政教者先自正故也云師之言帥也者以其帥領百家故言帥也云胥有才智之稱者此釋閭胥以其有才智故為中士以領一閭雖不稱長亦有長義引載師職云賞田任遠郊之地又引司勳職言掌六鄉之賞地者欲見賞地在六鄉之中同在遠郊之內云六鄉地在遠郊之內則居四同者案司馬法王城百里為遠郊於王城四面則方二百里開方之二二如四故云居四同言此者破賈馬六鄉之地在遠郊五十里內五十里外置六遂鄭司農云百里內為六鄉外為六遂者司徒掌六鄉在百里內上以釋

周禮九

四

梁齊

訖百里外為六遂以其遂人掌六遂案遂人職云掌邦之野郊外曰野故知百里外為六遂

封人中士四人下士八人府二人史四人胥

六人徒六十人注聚土曰封謂墳壝垣及小封疆也釋曰封人在此者以其掌設王之社

壝及畿封又大司徒設社稷壝相左右故在地官而為職首也胥徒多者以其畿封事廣故也

鼓人中士六人府二人史二人徒二十人釋曰鼓人

在此者以其主教六鼓四金以是教官故在此也

舞師下士二人胥四人舞徒四十人釋曰舞師在此

者以其主教野人之舞亦是教官之類故也若然樂師亦教舞不在此者彼教國子學樂必須合於禮故入春官也

注 舞徒給繇役能舞者以為之
釋曰餘官直言徒此官徒言舞者徒是給繇役之人今兼云舞即徒中使能舞者以充徒數也

牧人下士六人府一人史二人徒六十人
釋曰

在此者以其掌牧六牲以供祭祀亦是地事故也
注 牧人養生於野田者詩云爾

三十維物爾牲則具
釋曰鄭云養牲於野田者對充人養牲於國中又引詩曰者謂無羊詩美宣王之寧也爾宣王

牧人來之時荷揭蓑之與笠蓑所以禦雨笠所以禦暑或負其餼糧也三十唯物物色也異毛色者三十爾宣王牲

則備矣引之者以證牧人牧六牲之事也

牛人中士二人下士四人府二人史四人胥

周禮九

五

二十人徒二百人
注主牧公家之牛者詩云誰謂爾無牛九十其孳孳者九十其餘多矣

釋曰主牧公家之牛者亦是地事又鄭下注云牛能任載地之類故在此也詩云者亦無羊詩言誰謂爾宣王無牛

九十其孳孳黃牛黑脣曰孳云孳者九十其餘多矣者證經牛多故徒有二百人牧之也

充人下士二人史二人胥四人徒四十人
注

猶肥也養繫牲而肥之
釋曰祭祀之牲本以諸官堪入祭祀者送付牧人至祭前三月選入充人芻之使之肥充

故其職云祀五帝則繫于牢芻之三月故與牧人連類在此也

載師上士二人中士四人府二人史四人胥

六人徒六十人
釋曰案其職云掌任土之法以
注 載

物地事皆是土地之事故在此

言事也事民而稅之禹貢曰冀州既載載師者閭師縣師遺人均人官之長釋曰鄭知事民而稅之者案其職上云任土之法下云近郊什一之等是其任民而稅之者也云禹貢曰冀州既載引之者彼是禹治洪水訖事而稅之引之證此事民之類也云載師者閭師縣師遺人均人官之長者以其閭師縣師徵斂之官所斂之賦有入遺人者均人主當地守地職皆與載師事通故載師與之為長

閭師中士二人史二人徒二十人

注主徵六鄉賦貢之稅者鄉官

有州黨族閭比正言閭者徵民之稅宜督其親民者凡其賦貢入大府穀入倉人釋曰知主徵六鄉賦貢之稅者案其職云任農以耕事貢九穀任圃以樹事貢草木六鄉之內有二十五家為閭今以閭為名故知閭師主徵六鄉賦貢者也云鄉官有州黨族閭比正言閭者徵民之稅宜篤其親民者鄉官有五者之名正取二十五家為閭以為

徵斂之官號者徵民之稅恐不能細委其民故以近民之官為號云凡其賦貢者此貢非是大宰九貢正是九職之貢即其職云任農以耕事貢九穀之類是也此云賦謂大宰九賦之內則國中四郊二者是也故其職云掌國中及四郊之人民六畜之數又云凡無職者出夫布是其九職之內故云凡其賦貢入大府故大府職云掌九賦九貢者功之貳以受其貨賄之入焉云穀入倉人者案倉人云掌粟入之藏故知穀入倉人也

縣師上士二人中士四人府二人史四人胥

八人徒八十人

注主天下土地人民已下之數徵野賦貢也名曰縣師者自六鄉以至邦國縣居

中焉鄭司農云四百里曰縣釋曰主天下土地人民已下之數者案其職云掌邦國都鄙稍甸郊里之地域辨其夫家六畜車輦是其主天下土地人民已下之數人民之外仍有六畜車輦故言已下云徵野賦貢也者案其職云

以歲時徵野之賦貢郊外曰野以其二百里外至邦國以其地廣縣師徵之旄旆斂之徵斂別官百里之內六鄉之中間師徵之間師斂之以其地狹徵斂同官又云名曰縣師者自六鄉以至邦國縣居中焉自百里以至邦國分為五等二百里曰甸三百里曰稍四百里曰都畿外邦國是其縣居中焉以其徵外內之賦舉中為名鄭雖言自六鄉六鄉仍舊郊內據六鄉已外而言鄭司農云四百里曰縣者據載師職小都任縣地在四百里中故云四百里曰縣此縣師與間師並在此者以其徵斂地稅故與載師連類在此

遺人中士二人下士四人府二人史四人胥四人

人徒四十人釋曰在此者案其職云掌邦之委積注鄭

農云遺讀如詩曰棄予如遺之遺立謂以物有所饋遺釋曰先鄭云遺讀如詩曰棄予如遺之遺者此小雅谷風詩

周禮九

彼謂朋友道絕相棄如遺忘物立謂以物有所饋遺者此是將物與人非是遺忘之事故不從先鄭也

均人中士二人下士四人府二人史四人胥四人

人徒四十人釋曰均人在此者案其職云掌均地政注均猶平也主平土地之力政者

釋曰知平土地之力政者案其職均地職已下更有均人民牛馬車輦之力政是其平土地力政者也

師氏中大夫一人上士二人府二人史二人

胥十有二人徒百有二十人釋曰師氏在此者以

二教同故亦在此以其教國子有道藝故使中大夫尊官為之也其徒百有二十人者以其國子人多使役處眾故

注 師教人以道者之稱也保氏司諫司救官之長

多矣 鄭司農云詩云橋維師氏 釋曰案其職云以

三德教國子一曰至德以為道本是其教人以道者為稱

也云保氏司諫司救官之長者以其保氏佐師氏教國子

以其司諫諫萬民司救救萬民皆是教之義故師氏與為

長鄭司農云詩云橋惟師氏者此詩小雅刺幽王之詩其

臣氏曰橋者惟作師氏之官 引之者證與此師氏同也

保氏下大夫一人中士二人府二人史二人

胥六人徒六十人 釋曰保氏在此者以其佐師氏教

國子亦是教官故在此既與師氏 同教國子官與府史別者以其教

國子雖同館舍別所故置官有異 **注** 保安也以道安人

為師召公為保相成王為左右聖賢兼此官也 釋曰云

以道安人者也者人則是國子也案其職云掌教國子以

道人有道則安故云以道安人者也此師氏保氏皆稱氏

者案鄭下注云官有世功則以官族此二官父祖以來皆

以道教國子世為師氏保氏之官則賜之以氏曰師氏保

氏自此已下官稱氏者皆此類也云書叙曰周云為師召

公為保相成王為左右者此是尚書君奭篇叙云聖賢兼

此官也者召公為賢周公為聖此二人為三公分陝以其

周公聖下兼此師氏官召公為賢下兼此保氏官故云聖

賢兼此官此鄭君之意謂三公之號無師保之名兼此二

官得師保之稱鄭志趙商問案成王周官立大師大傅大

保茲惟三公即三公之號自有師保之名成王周官是周

公攝政三年事此周禮是周公攝政六年時則三公自名

師保起之在前何也鄭荅曰周公左召公右兼師保初時

然矣若如此解周公兼師在成王周官前故成王周官稱

三公為大師大傅大保若然大傅者畢公為之兼世子之

官故稱大傅是以文王世子云大傅在前少傅在後

若孔君之義三公之號自名師保不由兼師氏保氏

周禮九

八

全

禮

卷

司諫中士三人史二人徒二十人

釋曰司諫在此者案其職云掌

糾萬民之德勸之朋友正其行而強之道藝此官則主諫萬民亦是教之義此官徒二十人無胥者以得徒則了不假長帥上下文有徒無胥也
注諫猶正也以道正人行 釋曰胥者皆此類故無胥也
鄭訓諫為正言以道正人行者案其職云正其行故鄭就而解之

司救中士二人史二人徒二十人

注救猶禁也以禮防禁人

之過者也 釋曰案其職云掌萬民之衰惡過失而誅讓之以禮防禁而救之是其以禮防禁人之過者亦是教之類
故在此

調人下士三人史二人徒十人

注調猶和合也
釋曰言調人者鄭云

大九小三百六十五 周禮九
調猶和合也人相殺傷共其難者此調人和合之在此者會赦之後設教使之相避是教官之類故在此

媒氏下士二人史二人徒十人

釋曰媒氏在者集略云配

男女取地道生 **注**媒之言謀也謀合異類使和成者今齊息故在此也 釋曰言謀合異類使和成者異類謂別姓三十之男二十之女和合使成婚姻云今齊人名翹翹曰媒者翹翹和合得成酒醴名之曰媒
言此者欲見媒合異姓得名為媒之意

司市下大夫二人上士四人中士八人下士

十有六人府四人史八人胥十有二人徒百

有二十人

釋曰案其職云掌市之治教政刑量度禁令以其事治教即教官之類又市以聚人猶地

之容衆故在此以其市官之長經紀事大故注司市市官
使下大夫尊官為之也屬官及胥徒又衆也釋
白市官謂質人已下至
泉府司市與之為長也

質人中士二人下士四人府二人史四人胥

二人徒二十人注質平也主平定物賈者釋曰在此者案其職云掌成市之貨賄人民牛馬

鄭彼注成平也此注質平也主平定物賈者故亦與司市連類在此

塵人中士二人下士四人府二人史四人胥

二人徒二十人釋曰在此者案其職云掌斂市之歛布總布質布罰布塵布五種之泉入于泉

府故與司市注故書塵為壇杜子春讀壇為塵說云市中連類在此也空地玄謂塵民居區域之稱釋曰子春

周禮九

十

陳保

讀壇為塵不從故書於義是也又說云中空地以解塵則於義非也故後鄭不從玄謂塵民居區域之稱者見遂人云夫一塵田百畝及載師塵里任國中之地皆是民之所居區域又其職有塵布謂貨賄停儲邸舍之稅即市屋舍名之為塵不得為市中空地胥師二十肆則一人皆二史釋曰自胥

師至司稽皆是府史之類非是命士已上其職云平其貨賄胥者有才智之稱師長也肆謂行列胥師二十肆則一

人皆有二史副之助作文書賈師二十肆則一人皆二史

司覈十肆則一人司稽五肆則一人胥

二肆則一人肆長每肆則一人賈師知物價者其職云凡

國之賣價各帥其屬而嗣掌其月亦二十肆則一人亦二史副之司覈司猶主也主在市覈亂十肆則一人司

稽司主也主在市稽留之人不特去者五肆則一人胥二肆則一人者此謂市中給繇役少有才智者屬胥師肆長謂行頭每肆則一人注自胥師以及司稽皆司市所自辟除亦亦是市中給繇役者注也胥及肆長市中給繇役者胥師領羣胥賈師定物賈司暴禁暴亂司稽察留連不特去者釋曰知胥師及司稽皆司市所自辟除者以其胥師越賈師等領羣胥則知胥師等並非官賈師與胥師同二十肆則一人二史賈師非官明胥師亦非官也故知皆司市所自辟除也又知胥及肆長是給繇役者以其司稽已上是府史之類明此二者與胥徒同是給繇役者也又知胥師領羣胥者以其同名為胥二肆則一人其數衆多明有所屬故知胥為胥師所領也

泉府上士四人中士八人下士十有六人府

西人史八人賈八人徒八十人釋曰在此者案其職云掌以市之征

周禮九布故與司市注鄭司農云故書泉或作錢釋曰泉與連類在此錢今古異名故後鄭引之得通一義

司門下大夫二人上士四人中士八人下士十

有六人府二人史四人胥四人徒四十人每

門下士二人府一人史二人徒四人釋曰司門在此者案其職

云正其貨賄凡物犯禁者舉之以注司門若今城門校尉其掌貨賄與司市相連故亦在此注主王城十二門釋曰案經有每門下士二人據在門開閉者此司門鄭云若今城門校尉則是都司總監十二門官故舉漢法况之知王城有十二門者案丘人云營國九里旁三門四面各三門是有十二門鄭注云十二門以通十二子十二子則十二辰也

司關上士二人中士四人府二人史四人胥八

人徒八十人每關下士二人府一人史二人徒

四人釋曰在此者案其職云掌國貨之節以連關市故同與市連類在此此司關亦是摠檢校十二關所司在

國內下云每關下士二人者自在關門開閉注關界上之門 釋曰王畿千里

置三關則亦十二關故云關界上門也

掌節上士二人中士四人府二人史四人胥二

人徒二十人釋曰案其職云掌守邦節辯其用在此者以其節連於門市故亦連類在此注

節猶信也行者所執之信 釋曰案其職云邦國之使節山國虎節凡節者皆行道所用無節者不達有節乃得行

故云行者所執之信

遂人中大夫二人

遂師下大夫四人上士八人中士十有六人旅

下士三十有二人府四人史十有二人胥十有

二人徒百有二十人釋曰遂人主六遂如司徒主六鄉但官卑校一節司徒六命卿

一人小司徒中大夫二人鄉師下大夫四人此遂人中大夫二人當小司徒處遂師下大夫四人當鄉師處但無六

命卿一人以其六鄉為正六遂為副故尊卑不同以主事相似故上士已下其數與司徒同自此已下至旅師皆是

地事故注 遂人主六遂若司徒之六鄉也六遂之地自在此 遠郊以達于畿中有公邑家邑小都大都焉

鄭司農云遂謂王國百里外 釋曰鄭知遂人主六遂若司徒之於六鄉者既名遂人下文承以遂大夫遂官

之等似若大司徒下即有鄉大夫鄉官之等故知遂人主
六遂若司徒之於六鄉也云六遂之地自遠郊以達于畿
者案其職云遂人掌邦之野下文以達于畿是其義也云
中有公邑家邑小都大都焉但六遂之地只在二百里內
亦有公邑故載師職云公邑之田任甸地其公邑自二百
里以出至五百里皆有焉家邑大夫采地在稍地三百里
小都卿之采地在縣地四百里大都三公王子弟在疆地
五百里故載師職云家邑任稍地小都任縣地大都任疆
地遂人雖專六遂以其言掌野郊外曰野大摠之言以言
達于畿故知兼掌此等焉鄭司農云遂謂王國百里外者
以其在二百里
中故知百里外

遂大夫每遂中大夫一人縣正每縣下大
夫一人鄙師每鄙上士二人鄰長每鄰中

周禮九

十一

集

士一人里宰每里下士一人鄰長五家則一

人釋曰此遂大夫於六遂各主一遂以鄉大夫各主一鄉
但遂大夫已下其官皆卑於鄉官命數皆減一等是以
遂大夫每遂中大夫一人不使卿為之差次至鄰長五家
則一人者是不命之士為之其鄉內比長亦五家一人彼
使下士注縣鄙鄩里鄰遂之屬別也釋曰以其鄰長已
為之上至縣正皆屬於遂大夫故言遂之屬別與上

文州黨族間比
鄉之屬別相似

旅師中士四人下士八人府二人史四人胥

八人徒八十人釋曰六鄉之內所有賦稅間師徵之
間師斂之此二百里以外至五百里

其地廣故縣師徵之旅師斂之注主斂縣師所徵野之賦
徵斂別官故官屬與胥徒多也注穀者也旅猶處也六遂

之官里宰之師也正用里宰者亦斂民之稅宜督其親民
釋曰案其職云掌聚野之餼粟屋粟間粟言野故知主斂
縣師所徵野之賦穀者也云旅猶處也六遂之官里宰之
師也者里訓為居旅者眾也眾之所處即與里義同故鄭
云里宰之師也遂官之內縣鄙已下正用里宰為徵斂之
官名者亦是斂民之稅宜督其親民似若六鄉之中取間
名為徵斂之官故鄭
云亦謂亦間師也

稍人下士四人史二人徒十有二人釋曰其官在此者其

職云掌令丘乘之政令言丘乘即三等注主為縣師令都

采地也故與縣師遂人等連類在此距王城三百里曰稍家邑小都大都自稍以出焉釋

曰云主為縣師令都鄙丘甸之政也者案其職云若有會
同師田行役之事則以縣師之法故云主為縣師令都鄙丘
甸之政也云距王城三百里曰稍者案載師家邑任稍地

周礼九

十四

卷四

在三百里內故知三百里曰稍云家邑小都大都自稍以
出焉者以其家邑在三百里小都在四百里大都在五百
里從三百里向外
故言自稍以出

委人中士二人下士四人府二人史四人徒

四十人注主斂甸稍芻薪之賦以共委積者也釋曰

案其職云掌斂野之賦斂薪芻凡疏材大材凡

畜聚之物故鄭云主斂甸稍薪芻之賦共與遺人在道以

供賓客故云以供委積者也亦與徵斂之官連類在此

史四人胥月四人徒四十人釋曰土均在此者案其職

均地事均地貢並是徵斂注均猶平也主平土地之政令

土地之事故在此宜也釋曰案其職云掌平

土地以均地守故云均猶平也。是主平土地之政今也。

草人下士四人史二人徒十有二人注草除釋

曰草人在此者案其職云掌土化之法以物地相其宜而為之種又云凡糞種駢剛用牛之等皆是土地之事故在此宜也案其職唯有糞種之文無殺草之事鄭云草除草者但糞種者殺草然後種之職雖不言殺草名為草人明知除草故鄭云除草也

知除草故鄭云除草也

稻人上士二人中士四人下士八人府二人

史四人胥十人徒百人釋曰在此者案其職云掌稼下地又云澤草所生種

之芒種是土地之事故在此胥徒多者以其并遣營種稻田

周禮九

十五

徐志

土訓中士二人下士四人史二人徒八人釋曰在此

者案其職云掌道地圖以詔地事亦是土地之事故在此注鄭司農云訓讀為馴謂告道王也爾雅云訓道也立謂能訓說土地善惡之勢釋曰司農云訓讀為馴又引爾雅訓道也立謂能訓說

土地善惡之勢不從先鄭者案其職云道地圖道地憲道自是道說不得更訓以為道故後鄭以為訓說土地善惡

誦訓中士二人下士四人史二人徒八人釋曰在此

者案其職云掌道方志以詔觀事注能訓說四方所誦以知地俗亦是土地之事故在此注習及人所作為久時事釋曰知能訓說四方所誦習事者其職云掌道方志謂所識四方久遠之事是其能訓說四方所誦習者也

云及人所作為久時事者案其職云以知地俗鄭注云博事也謂博知古事是其人所作為久時事者也

山虞每大山中士四人下士八人府二人史四

人胥八人徒八十人中山下士六人史二人胥

六人徒六十人小山下士二人史一人徒二十人

釋曰山虞在此者案其職云掌山林之政令物為之屬而為之守禁山林亦是土地之事在此宜也注度

也度知山之大小及所生者釋曰言度知山之大小者但山之大小里數雖曰無文據當時量度知其大小然後

設官分職使掌之經文有中山鄭唯言大小者略言之耳云及所生者山中所出金玉錫石禽獸草木或有或無是也

林衡每大林麓下士十有二人史四人胥

十有二人徒百有二十人中林麓如中山

周禮九

十六

東

之虞小林麓如小山之虞

釋曰云大林麓下士十有二人者案上山

虞中士四人下士八人相併亦十二人但山虞尊使中士為官首下士為之佐此林衡卑故下士自為官首胥徒多

於山虞者以其林麓在平地盜竊材木多者故須巡行者衆以是胥徒特多也中林麓如中山之虞小林麓如小山

之虞胥徒不多者以其大林麓據特大者故胥徒特多甲小已下自如尋常法故如山虞自此已下至澤虞皆是地

事故在注衡平也平林麓之大小及所生者竹木生平地地官注曰林山足曰麓釋曰云衡平也平林麓之大

小者經有中林麓鄭不言者亦略言也云竹木生平地只林者對山中之林自是山虞掌此別言林衡故知竹木生

平地者云山足曰麓者尔雅文山足亦有林木與山虞別官

川衡每大川卜士十有二人史四人胥十有

二人徒百有二十人中川下士六人史二人

胥六人徒六十人小川下士二人史一人徒

二十人釋曰川衡者平知川之遠近寬狹及物之所出官及胥徒多者以其川路長遠巡行勞役故也

中川小川之等自注川流水也禹貢曰九川滌源釋曰若常法故差少言川流水也者對澤為停水又引禹

貢九川滌源者為禹治洪水已訖九州之川已滌除泉源無壅塞矣引之者證川是流水

澤虞每大澤大藪中士四人下士八人府

二人史四人胥八人徒八十人中澤中藪

如中川之衡小澤小藪如小川之衡釋曰虞亦度也

周礼九

七

度知澤之大小及物之所出用中士尊於川衡者以其澤之所出物衆多胥徒少者以其巡行處近故也中澤小澤

已下皆如川衡注澤水所鍾也水希曰藪禹貢曰九澤既者自是常法注陂爾雅有八藪釋曰澤水所鍾者鍾

聚也謂聚水於其中更無所注入案周語虞天子晉云山土之聚澤水之鍾纂要亦云水所鍾曰澤故知澤水所鍾

也云水希曰藪者希乾也案鄭詩云叔在藪火烈具舉舉藪中田獵明知無水又案爾雅藪在釋地之篇不入釋水

故知水希曰藪以其藪與澤地有水無水為異故於經別立官掌之案職方澤藪曰具區之類及毛傳云藪澤皆同

為一者以其有水則為澤無水則為藪元是一物故同解之引禹貢曰九澤既陂者亦謂禹治洪水既訖九州之澤

既已陂序無決溢矣引爾雅有八藪者禹貢九澤通畿為一州則有九爾雅云八藪除畿內一州而言引此一文者

證藪澤有異案爾雅釋有十者以其周秦同在雍州秦有楊紆周有焦穫一州有二故十又爾雅秦有楊陰職方

刑有楊紆蓋異
所以同名也

迹人中士四人下士八人史二人徒四十人

注迹之言跡知禽獸處 釋曰案其職云掌邦田之政亦是地事故在此

卅人中士二人下士四人府二人史二人胥

四人徒四十人 注卅之言礦也金玉未成器曰礦 釋曰經所云卅是摠角之卅字此官取金玉於卅字無所用故轉從石邊廣以其金玉出於石左形右聲從礦字也云金玉未成器曰礦以其此官不造器物直取金錫玉石以供冬官百工故言金玉未成器曰礦金玉之等出於地故在此也

角人下士二人府一人徒八人 釋曰案其職掌以時徵齒角凡骨物

於山澤之農以其是徵斂之官故亦在此

羽人下士二人府一人徒八人 釋曰案其職云掌以時徵羽翮之政

于山澤之農亦是徵斂之官故在此

掌葛下士二人府一人史一人胥二人徒二

十人 釋曰案其職云掌以時徵絺綌之材于山農亦是徵斂之事故在此

掌染草下士二人府一人史二人徒八人 注染草藍

舊象斗之屬 釋曰案其職掌以春秋斂染草之物亦徵斂之官故在此藍以染青精以染赤象斗染黑案其職注

云染草茅蒐蘘蘆系首紫荊之屬二注不同者染草既多言不可盡故互見略言耳

掌炭下士二人史二人徒二十人

釋曰案其職掌灰物炭物之徵

今以時入之以其徵飲之官故亦在此

掌茶下士二人府一人史一人徒二十人

注茶茅蒸

釋曰案其職云掌以時聚茶以共喪事徵野疏材以其徵斂之官故亦在此

掌蜃下士二人府一人史一人徒八人

注蜃大蛤月令

孟冬雉入大水為蜃 釋曰案其職云掌斂互物蜃物以共闢墳之蜃亦徵斂之官故在此言蜃大蛤者對雀入水

水化為蛤者為小蛤引月令雉入大水為蜃者案國語大水淮也

圉人中士四人下士八人府二人胥八人徒

周禮九

十九

手島

八十人

釋曰案其職云掌園游之注園今之苑 釋曰獸禁園是地之用故在此 注此據漢法以況古

古謂之園漢家謂之苑

場人每場下士二人府一人史一人徒二十人

釋曰言每場者以其九穀別場故注場築地為墀季秋除言每以殊之場亦地之用故在此 注園中為之詩云九月

築場圃十月納禾稼 釋曰除地曰墀築堅始得為場故云場築地為墀也云季秋除圃中為之者以其春夏為圃

以種采蔬至季秋始為場引詩曰九月築場圃十月納禾稼者此七月詩引之證圃中為場之意

廩人下大夫二人上士四人中士八人下士

十有六人府八人史十有六人胥二十人徒

三百人

釋曰此官使下大夫為官首徒三百人又多者以其米廩事重出納又多故也故其職不掌九穀之

數以其米穀地之所長成故在此

注

藏米曰廩廩人舍人倉人司祿官之長釋曰藏米曰廩者對下倉人藏

穀曰倉云廩人舍人倉人司祿官之長者以其舍人已下同掌米穀之事皆以士為之故廩人下大夫與之為長

舍人上士三人中士四人府二人史四人胥四人徒四

十人

釋曰在此者案其職云掌平宮中之政分其財守以法掌其出入謂平宮中米穀多少故與廩人倉人連類在此

注

舍猶宮也主平宮中用穀者也釋曰鄭訓舍為宮者案其職云掌平宮中之政故就職內平宮中用穀解之

倉人中士四人下士八人府二人史四人胥四

人徒四十人

釋曰倉人在此者案其職云掌粟入之藏如廩人米粟地之所成故也

周禮九

司祿中士四人下士八人府二人史四人徒四

十人

注主班祿釋曰在此者其職既闕未知所掌云何但班祿者用粟與之司祿職次倉人明是

班多少之官故鄭云主班祿也故與倉人連類在此

司稼下士八人史四人徒四十人

注種穀曰稼如嫁女以有所生

釋曰云種穀曰稼者對收斂曰穡也在此者其職云巡野觀稼出斂法亦是徵斂地事故連類在此

春人奄二人女春枕二人奚五人

釋曰有奄者以其與女奴

同處故也在此者與倉人廩人簠人連事故亦連類在此其職云掌祭祀賓客牢禮之米所共多矣而春人少者蓋

舉其能者亦應兼注女春枕女奴能春與枕者枕抒曰也詩云或春或枕釋曰引詩或春或

抗者彼生民計引之
證經春抗之事也

館人奄二人女館八人奚四十人

注鄭司農云
館人主炊官

也特性饋食禮曰主婦視館爨故書館作饌
此者其職云凡祭祀共盛共王及后之六食凡賓客共
其簞簋不在天官而在此者以其
因春人又因地道之成故在此

稟人奄八人女稟每奄二人奚五人

釋曰案
其職云

掌共外內朝凡食者之食所共處多故
有奄八人女稟每奄二人奚五人也
注鄭司農云稟稟
稟食者故謂之犒
釋曰案左氏春秋僖三十三年秦人
將襲鄭鄭商人弦高將市於周遇之以乘韋先牛十二頭
犒秦師遂詐之云鄭使我犒勞軍師引之者在朝之人
不得歸家亦枯犒以須犒勞之故名其官為犒人亦同廩

周禮九

十一

人連類
在此

大司徒之職掌建邦之土地之圖與其入

民之數以佐王安擾邦國

釋曰司徒既欲佐王
安擾邦國故先須知

土地之圖
注

土地之圖若今司空郡國輿地圖
漢蕭何收秦圖籍以知天下阨塞廣遠至後

漢乃有司空郡國地圖輿者車輿其前開曲地形不可正
方故云輿地圖也案職方亦云掌天下之圖注直云如今
司空輿地圖不云郡國者彼以司馬主九畿并夷狄而言
故不得云郡國此經云主人民之數則唯據九州之中郡
國在九州之內故
以天下土地之圖周知九州之

地域廣輪之數辨其山林川澤丘陵墳衍

原隰之名物

釋曰上經云土地圖為人民之數而言之此經云土地圖據十等土地而說也

故云周知九州之地域廣輪之數馬融云東西為廣南北為輪案王制南北兩近一遙東西兩遙一近是南北長東西短謂知此數也又辯其山林川澤

幽冀并也輪從也積石曰山竹木曰林注瀆曰川水鍾曰澤土高曰丘大阜曰陵水崖曰墳下平曰衍高平曰原下

濕曰隰名物者十等之名與所生之物 釋曰九州揚荆以下據職方周之九州而三言故有幽并無徐梁禹貢據夏

以前九州故有徐梁無幽并也云輪從也者據南北義與馬同不釋廣者東西可知云積石曰山者案詩云節彼南山維石巖巖鄭云巖巖積石貌鄭據此而言案爾雅山丘

別釋則丘是純土其山皆石亦有兼土者故曰石戴土謂之崔嵬又周語云夫山土之聚是其山有土也云竹木曰林者謂生平地以其山林川澤別官故知竹木生平地曰

林云注瀆曰川者案釋水云注川曰谿注谿曰谷注谷曰溝注溝曰澮注澮曰瀆彼注云皆以小注大大小異名言

注澮曰瀆者謂以澮中水注入瀆中使有所去此云注瀆曰川者爾雅無此言鄭以義增之耳謂以瀆中水注入川

案職方九州皆有川故知從瀆入川此瀆與四瀆義異四瀆則亦川故職方云其川三江其川江漢也云水鍾曰澤

者周語虞大子晉之言也云土高曰丘者爾雅山丘別釋則丘無石者也云大阜曰陵者案爾雅釋地云高平曰陸

大陸曰阜大阜曰陵大陵曰何可食者曰原是陵與丘高下異稱皆無石者也其有石者亦曰陵故左氏僖三十二

年云穀有二陵南陵夏后臯之墓也其北陵文王之所避風雨是有石者也云水崖曰墳者案爾雅云重崖岸墳大

防是墳為崖岸之峻者故知水崖曰墳故詩云遵彼汝墳是汝水之大防亦是水崖曰墳也云下平曰衍者此十地

皆兩兩相對為名墳既水崖而高明衍為下平此下平又與下濕曰隰者別也云高平曰原者案爾雅云廣平曰原

與下濕曰隰者別也云高平曰原者案爾雅云廣平曰原

與下濕曰隰者別也云高平曰原者案爾雅云廣平曰原

與下濕曰隰者別也云高平曰原者案爾雅云廣平曰原

與下濕曰隰者別也云高平曰原者案爾雅云廣平曰原

周禮九

二十二

下

高平曰陸不云高平曰原此言高平曰原者對下濕曰隰而言其實高平即廣平者也爾雅高平曰陸者據山傍平者故下云可食者曰原也云下濕曰隰者爾雅釋地文若蒸高貢云大陸既作注大陸地者爾雅釋地八藪晉有大陸彼是藪澤之地稱與高平曰陸者別也云十等之名者山林以下十等名異也云與所生之物者即下文土會之法以下而辨其邦國都鄙之數制其畿疆

而溝封之設其社稷之壇而樹之田主各以其野之所宜木遂以名其社與其野釋曰云辨其邦國者謂分別畿外諸侯邦國多少之數謂若王制云畿外八州州二百一十國也云辨其都鄙之數者謂分別畿內三等采地之數謂若王制畿內九十三國也云制其畿疆者王畿內千里中置王城面有五百里其邦國

周禮九

都鄙亦皆有畿界也云而溝封之者謂於疆界之上設溝溝為封樹以為阻固也云設其社稷之壇者謂於中門之外右邊設大社大稷王社王稷又於廟門之屏設勝國之社稷其社稷外皆有壇埒於四面也云而樹之田主者謂藉田之內依樹木而為田主云各以其野之所宜木者王之田主唯一而已不得云各今云各者摠據邦國都鄙并王者而言也云遂以名其社與其野者謂假令以松為社則名松社之野餘皆放此也

注 千里曰畿疆猶

界也春秋傳曰吾子疆理天下溝穿地為阻固也封起土界也社稷后土及田正之神壇壇與埒埒也田主田神后土田正之所依也詩人謂之田祖所宜木謂若松栢栗也若以松為社者則名松社之野以別方面釋曰云千里曰畿者職方文云春秋傳曰吾子疆理天下者案左氏傳成二年鞏之戰齊侯使國佐賂晉師晉人不許曰使齊之封內盡東其畝國佐對云先王疆理天下物土之宜故詩云我疆我理南東其畝今吾子疆理諸侯彼云先王疆理

天下又云吾子疆理諸侯此云吾子疆理天下不同者鄭以義言之非傳之正文也云溝穿地為阻固也者謂穿地為深溝即是阻固也云封起土界也者穿溝出土於岸即皆為封封即起土界也云社稷后土及田正之神者鄭義依孝經緯社者五土之摠神以句龍生時為后土官有功於土死配社而食稷是原隰之神宜五穀五穀不可遍舉稷者五穀之長立稷以表神名故號稷棄為堯時稷官立稷后土及田正之神雙言之耳云墳壇與壝埒也者經直云墳壇即壝埒不云壇以墳在壇之四面為之明中有壇可知故鄭兼云壇也案禮記郊特牲云君南面於北墉下鄭注云北墉社內北牆彼社雖無室壇外四面有壁壁外乃有墳耳若然封人云設王之社壇者彼官卑主設之此大司徒尊官直主其制度而已云田主田神后土田正之所依也者此田主當在籍田之中依樹木而為之故云各以其野所宜木云田主田神者謂郊特牲云先嗇與神農

太平少考

周禮九

二十四

蘇

一也若然鄭意以田主為神農則無后土及田正之神直以神農為主祭尊可以及卑故使后土田正二神憑依之同壇共位耳田正則郊特牲所云司嗇一也又引詩人謂之田祖者詩云以御田祖毛云田祖先穡籥章亦云凡國祈年于田祖鄭云田祖始耕田者謂神農也引之者證田主是神農也云所宜木謂若松柏栗也者是論語哀公問社於宰我對云夏后氏以松殷人以柏周人以栗彼三代所都異地所宜之木不同夏居平陽宜松殷居亳宜柏周居鎬京宜栗此經雖據周一代而言其邦國都鄙異處所宜之木亦復不同故云若松柏栗也云若以松為社者則名松社之野者此取松為社假設而言耳云以別方面者但四方宜木面各不同或一方宜松則以松為社以別餘之方

面耳 以土會之灋辨五地之物生一曰山林

其動物宜毛物其植物宜阜物其民毛

而方二曰川澤其動物宜鱗物其植物
宜膏物其民黑而津三曰丘陵其動物
宜羽物其植物宜穀物其民專而長四
曰墳衍其動物宜介物其植物宜莢物
其民皙而瘠五曰原隰其動物宜羴物
其植物宜叢物其民豐肉而庠

地計會所出貢稅之法貢稅出於五地故須說五地所生
不同也故云以上會之法也云辨五地之物生者但云之
所覆地之所載地有五等所生無過動植及民耳故云辨
五地之物生上經云十等此云五地不同者上經細別而

周禮九

二十五

此新

言則十等以類相并而言故五等其實一也一曰山林者
此五地以高下相對故一曰山林山林高之極者二曰川
澤川澤下之極者故以為對也又五地之內以民之資生
取於動植之物故先言動植後言民也山林之中其動物
宜毛物其植物宜阜物其民毛而方此五地人物之等皆
方以類聚物以羣分及民之所生皆因地氣所感不同故
使形類有異也注會計也以上計貢稅之法因別此五者也毛
津潤也羽物翟雉之屬核物李梅之屬專園也介物龜鼈
之屬水居陸生者莢物薺荑王棘之屬皙白也瘠臞也羴
物虎豹貔獠之屬淺毛者叢物萑葦之屬豐猶厚也庠酒
知也杜子春讀生為性鄭司農云植物根生之屬阜物柞
梁之屬今世間謂柞實為阜斗膏物謂楊柳之屬
曰如膏立謂膏當為橐字之誤也蓮芡之實有橐
曰案宰夫職云歲計曰會故云會計也鄭知以上計貢稅
之法者以五地中而云會計者唯有貢稅之法故鄭云以

土計貢秘之法因別此五者也云毛物貂狐貉之屬者
依爾雅而言耳案爾雅云狸狐貉同文此云貂狐不言
狸者鄭君所讀爾雅者為貂不為狸也言之屬者山林之
中毛者甚衆故以之屬惣之也言縹毛者謂毛之細縹者
也云鱗物魚龍之屬者案月令春云其蟲鱗鄭云蛇不言
魚者有足曰蟲無足曰豸經云其蟲鱗魚無足故不言魚
其實魚入鱗內可知也此經云川澤宜鱗物鱗物以魚為
主言魚龍有蛇可知故不言蛇也云津潤也者以其民居
澤近水故有津潤但入水見日則黑故民黑律也云羽物
翟雉之屬者案禹貢徐州貢羽畎夏翟則翟雉也以雉乃
羽中之貴物故丘陵阪險宜棗杏及李梅等目驗可知故云
之屬者鄭以丘陵阪險宜棗杏及李梅等目驗可知故云
李梅之屬中有棗杏也云專園也者此丘陵地氣使之然
也云介物龜鼈之屬水居陸生者此陸生謂陸地生子及
生訖即入水而居故云水居陸生也五行傳云貌之不恭
則有龜孽注云龜蟲之生於水者亦謂生居在水中非謂

周禮九

初生在水彼生與此鄭云陸生之生義異也又云莢物菁
莢王棘之屬者菁莢即今人謂之阜莢蓋誤云阜當言菁
也王棘即士喪禮云王棘若擇棘者是也棘雖無莢蓋樹
之枝葉與菁莢相類故并言之也云哲白也者此民居於
墳衍地氣宜白又見詩云楊且之哲哲為白可知也云瘠
臞也者案爾雅釋言云臞瘠瘠也注云齊人謂瘠瘦為瘠
則臞為瘦小之貌故鄭云瘠也云羸物虎豹貉獬之屬者
考工記梓人職說大獸而云厚脣鼻口出目短耳大胃燿
後若是者謂之羸屬又爾雅有虎有豹故知羸物有虎豹
也但爾雅及諸經不見有獬曲禮云載獬豸此鄭云獬豸
獬即獬也云淺毛者若以淺毛言之則入羸蟲中故月令
中央土其蟲羸鄭云虎豹之屬恒淺毛若據有毛言之即
為毛蟲故白虎入西方毛蟲之長也云叢物萑葦之屬者
詩云萑葦淠淠是二者各以類聚也杜子春讀生為性性
亦訓為生義既不殊故後鄭不破之也鄭司農云植物根
生之屬先鄭對動非植生為號也阜物柞栗之屬者柞實

之皮得染阜故引今世猶謂柞實為阜斗為證其栗雖不
得染阜其皮亦阜斗之類故與柞同為阜物也云膏物謂
楊柳之屬理致且白如膏者先鄭以物色上解之後鄭不
從者以其上下云植物者皆不以色上為名先鄭獨此一
者取義於色故後鄭易之立謂膏當為麋者經云膏是脂
膏之膏於殖物義無所取直是字誤故破從麋也云蓮芡
之實有麋韜者以其是川澤所生故知是蓮芡之實皆有
外皮麋韜其實者也案大司樂一變而致川澤之示先言
川澤後云山林者彼取神之易致為先故先言川澤此取
尊卑高下相對故先言山林也又彼云五變而致立示注
云土祗原隰及平地此中不見因此五物者民之常
平地者亦原隰中可以兼之也

而施十有二教焉一曰以祀禮教敬則民不
苟二曰以陽禮教讓則民不爭三曰以陰

周禮九

二十七

孫中

禮教親則民不怨四曰以樂禮教和則民
不乖五曰以儀辨等則民不越六曰以俗教
安則民不偷七曰以刑教中則民不越八曰
以誓教恤則民不怠九曰以度教節則民知
足十曰以世事教能則民不失職十有一曰
以賢制爵則民慎德十有二曰以庸制祿

則民興功

釋曰上經云五地之物生動植及民生處
不同是其常法今此十二教亦因民之所

常生之處施之故云因此五物者之常而施十二教也云
一曰以祀禮教敬則民不苛者凡祭祀者所以追養繼孝

事死如事生但人於死者不見其形多有致慢故禮云祭極勤也是以一日以祀禮教勞死者尚勤則生事其親不苟且也 二日以陽禮教讓則民不爭者謂鄉飲酒之禮酒入人身散隨支體與陽主分散相似故號鄉射飲酒為陽禮也鄉飲酒即黨正飲酒之類是也黨正飲酒之時五十者堂下六十者堂上皆以齒讓為禮則無爭故云以陽禮教讓則民不爭也 三日以陰禮教親則民不怨者以陰禮謂昏姻之禮不可顯露故曰陰禮也男女本是異姓冕而親迎親之也親之也者親之也使親之親已是昏禮相親之義昏姻及時則男女無有怨曠故云以陰禮教親則民不怨也 四日以樂禮教和則民不乖者自一日至三日已上皆有揖讓周旋升降之禮此樂亦云禮者謂饗燕作樂之時舞人周旋皆合禮節故樂亦云禮也凡人乖離皆由不相和合樂主和同民心故民不乖也 五日以儀辨等則民不越者儀謂以卑事尊上下之儀有度以辨貴賤之等故云以儀辨等也民知上下之節不敢踰越故云

周禮九

二十六

禮

則民不越也 六日以俗教安則民不愉者俗謂人之生處習學不同若變其舊俗則民不安而為苟且若依其舊俗化之則民安其業不為苟且故云以俗教安則民不愉苟且也 七日以刑教中則民不越者刑者禁民越亂今用刑得所民得中正不為越亂故云以刑教中則民不越也 八日以誓教恤則民不怠者民有厄喪教之使相憂恤則民不懈怠也 九日以度教節則民知足者度謂衣服宮室之等尊卑不同以此法度教之使知節數民知禮節自知以少為足故云則民知足也 十日以世事教能則民不失職者父祖所為之業子孫述而行之不失本職故云以世事教能則民不失職也 十有一日以賢制爵則民慎德者人有賢行制與之爵民皆謹慎矜矜於善爵則民慎德者人有賢行制與之爵民皆謹慎矜矜於善德以求榮寵故云以賢制爵則民慎德也 十有二以庸制祿則民興功者庸功也人有功則制祿與之民皆興其功業故云則民興功也此十二注 陽禮謂鄉射飲酒之教以重急者為先輕緩者為後 注 禮也陰禮謂男女之

禮只姻以時則男不曠女不怨儀謂君南面臣北面父坐
子伏之屬俗謂土地所生習也愉謂朝不謀夕恤謂災危
相憂民有凶患憂之則民不解息度謂宮室車服之制世
事謂士農工商之事少而習焉其心安焉因教以能不易
其業慎德謂矜其善德勸為善也庸功也爵以顯賢祿以
賞功故書儀或為義杜子春讀為儀謂九儀釋曰云陽
禮謂鄉射飲酒之禮者以是陽禮而云教讓其鄉射是州
長射禮鄉飲酒是黨正飲酒皆有正齒位飲酒為勸讓之
事故知陽禮是二事若然鄉中有鄉射鄉飲酒以其州長
黨正皆屬於鄉大夫或鄉大夫所居州黨故雖州長射黨
正飲酒亦號曰鄉也云陰禮謂男女之禮者以其言陰又
云不怨故知是男女昏姻之禮也云昏姻以時則男不曠
女不怨者此約雄雉詩序云軍旅數起大夫久役男女怨
曠注云國人以處軍役之事故男多曠女多怨也男曠而
苦其事女怨而望其君子此經直云不怨據女而言文不
具顯故鄭兼言曠也若然彼詩據舊成夫婦此文據配合

周禮九

得時時雖不同若失時怨曠不異故引焉證也云儀謂君
南面臣北面父坐子伏之屬者案易乾鑿度云不易也者
其位天在上地在下君南面臣北面父坐子伏此其不易
也鄭依此言其不易也仍有天地不易不言故云之屬以
兼之也云俗謂土地所生習也者謂若下曲禮云君子行
禮不求變俗居喪之禮哭位之位皆如其國之故而審行
之是其故俗所習也云愉謂朝不謀夕者案春秋左氏襄
公三十一年穆叔至自會見孟孝伯語之曰趙孟將死矣
其語愉又孝伯曰人生幾何誰能無愉朝不及夕將焉用
樹穆叔出而告人曰孟孫將死矣吾語諸趙孟之愉也而
又甚焉昭元年天王使劉定公勞趙孟於潁館於洛納劉
子曰美哉禹功明德遠矣微禹吾其為魚乎吾與子弁冕
端委以治民臨諸侯禹之力也子盍遠績禹功而大庇民
乎對曰老夫罪戾是懼焉能恤遠吾儕愉食朝不謀夕何
其長也劉子歸以語王曰諺所謂老將智而耄及之者以
此而言之亦似依昭元年傳也云恤謂災危相憂民有凶

患憂之則不解怠者灾危凶憂謂若遭水旱之灾歲凶年
穀不登有無相濟是其相憂今不解怠也云度謂宮室車
服之制者謂若典命云上公九命國家宮室車旗衣服禮
儀及侯伯子男已下各依命數是其制度也云世事謂士
農工商之事少而習焉其心安焉因教以能不易其業者
案齊語云桓公曰成民之事若何管子曰四民者勿使雜
處雜處則乱昔聖王處工就閑燕處士就官府處商就市
井處農就田野又云士之子恒為士工之子恒為工商之
子恒為商農之子恒為農少而習焉其心安焉是世事也
云慎德謂矜其善德勸為善者民能矜矜然求其善德又
相勸為善也云庸功也者此經云以庸制祿司士云以功
詔祿庸即功其理同也云故書儀或為義杜子春讀為儀
者不從故書讀從大宗伯也以上宜之法辨十有二
九儀一命至九命作伯也

周禮九

三十

土之名物以相民宅而知其利害以阜人
民以蕃鳥獸以毓草木以任土事

釋曰云以土宜之法

辨十有二土之名物者十二土各有所宜不同所出之物
及名皆異故云以一宜之法辨十有二土之名物也云以
相民宅者謂既知十二土之所宜以相視民居使之得所
也云而知其利害者十二土之中利處居之害處遠之以
阜盛人民以蕃息鳥獸以毓生草木者皆由知利害注十
使之然也云以任土事者辨十有二土任人性居之注十
土分野十二邦上繫十二次各有所宜也相占視也阜猶
盛也蕃蕃息也育生也任謂就地所生因民所能釋曰
十二土分野十二邦上繫十二次各有所宜也者案保章
氏以星土辨九州之地注云星土星所主土也又云大界
則曰九州州中諸國之封域於星亦有分焉其書云矣堪
輿雖有郡國所入度非古數也今其存可言者十二次之
分也星紀吳越也玄枵齊也姬訾衛也降婁魯也大梁趙
也實沈晉也鶉首秦也鶉火周也鶉尾楚也壽星鄭也大

火宋也析木燕也如是天有十二次日月之所躔地有十二土王公之所國又周語伶州鳩云昔武王伐商歲在鶉火又云歲之所在則我之分野故知分野十二邦上繫十二次各有所宜也若然唐虞及夏萬國躬周千七百七十

周禮九

三十一

李富

星也又云任謂就地所生因民所能者地之所生出物不同民之所資事業有異謂若居山者利其金玉錫石禽獸材木居澤者利其魚鹽居陸者利其田蠶辨十有二

壤之物而知其種以教稼穡樹藝釋曰此

即上十二土上經論居人物之事此經辨其種殖所宜故變其文云辨十二壤之物者分別物之所生而知其所殖

之種遂即以教民春稼秋穡注壤亦土也變言耳以萬以樹其木以藝其黍稷也物自生焉則言上土猶

吐也以人所耕而樹藝焉則言壤壤和緩之貌詩二樹之榛栗又曰我藝黍稷猶蒔也釋曰上經既欲居民不

必皆須樹藝故云土取萬物自生為名此經據樹藝而言故變云壤取和緩為義故鄭云變言耳詩云樹之榛栗是

定之方中詩引之證經樹是殖木又曰我藝以上均之

黍稷是楚茨之詩引之證經藝是黍稷也

瘡辨五物九等制天下之地征以作民職

以令地貢以斂財賦以均齊天下之政釋曰

以土均之法辨五物者即上山林川澤之等是也云九等者據五地之內分為九等之地駢剛赤緹之屬糞種所宜

不同也云制天下之地征者言天下則并畿外邦國所稅入天子而言也此地征與下為目也以作民職者民有職

業乃可稅之云以令地貢者地貢即九職之稅也云以斂財賦者斂財即大宰九賦斂財賄一也既言財又別言賦

者欲見財既為九賦斂財賦中又兼有軍賦故財賦殊言之云以均齊天下之政者大司徒以法均齊之天下皆使

依法故云均齊注均平也五物五地之物也九等駢剛赤天下之政也

地所生謂九穀財謂泉穀賦謂九賦及軍賦釋曰九等知是駢剛之屬者但地或云十等或云五地或云十二土

皆無云九等者案章人職云駢剛赤緹之屬有九等皆是地勢所宜糞種之法故鄭以駢剛赤緹之屬解之云地貢

首地所生謂九穀者案大宰以九職任萬民即云一日三農生九穀此經云以作民職為九職即云令地貢明貢是

九穀可知云財謂泉穀者案大宰云以九賦斂財賄彼注亦云財泉穀則以泉穀當賦泉之數也云賦謂九賦及軍

賦者以經云財賦不得為一事解之今鄭以賦為軍賦者則賦中兼軍賦謂甲士三人步卒七十二人之等

周禮疏 卷第九



